



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno DCCCLXXII. ad annum DCCCCIX.

Parisiis, 1644

Epistola CCXXIX. Ioannis Papae VIII. Ad Arpaldvm Epsicopvm Ascylanvm.
Arguit quod ad Synodum non venerit. iubet ad se venire, vt iis, quae a suis
clericis obiiciebantur, respondeat.

urn:nbn:de:hbz:466:1-15967

nicare non debuisti, præcipimus, vt eum de præfenti abfoluas, tuæque communioni reftituas: nam fi aufu improbo aliter feceris, nos quidem eum auctoritate apoftolica procul dubio abfolutum effe iubemus. Et fi hanc iuffionem noftram paruipendens, temerario aufu præfentiæ noftræ adeffe contempferis, ecclefiaftica te communionem, velut inobedientem effe noueris priuandum; quoufque pro tuis negligentis dignam veniens nobis fatifactionem humiliter feceris. Data XIII. Kalendas Decembris.

EPISTOLA CCXXIX.

IOANNIS PAPÆ VIII.

AD ARPALDVM EPISCOPVM ASCVLANVM.

Arguit quod ad Synodum non venerit. iubet ad fe venire, vt iis, quæ a fuis clericis obiiciebantur, refpondeat.

Reuerendiffimo & fanctiffimo Arpaldo epifcopo Afculano.

SECUNDVM facros venerabilium patrum Canones Spiritu Dei conditos, & totius mundi reuerentia confecratos, pro ecclefiafticis dumtaxat neceffitibus ad eas quas nuper ftatutis diebus celebrauimus Synodos, miffis ex more auctoritatis noftræ literis, fraternitatem tuam debere occurrere modis omnibus decreuimus. Sed quia ceteris deuote valde venientibus, te minime veniffe, cum etiam & auditu didiceris nos Synodum celebrare, neque excufationem tuam regulari tenore in tractoria confcriptam, nobis & fanctæ Synodo, caufa temeritatis, & inobedientiæ tuæ, vt euidenter apparet, non direxiffe comperimus; ne dilectionem tuam de hoc indiffuffam præteriffi videamur, hoc noftræ auctoritatis ftatuto iubemus, eam de præfenti fine aliqua mora, vel ambiguitate ad nos debere venire, noftrisque fe obtutibus præfentare. Nam & clerici tuæ nos ecclefia adierunt, reclamantes, multa fe a tua perpeffos fraternitate enormiter aduerfa, & contra regulam ecclefiafticam iniufte fore oppreffos; quorum videlicet obiectionibus coram noftro præfulatu affiftentem te oportet procul dubio refpondere. Et ideo hac iuffione noftra percepta occurrere ftudeas, antequam ecclefia tua

maius schisma, vel scandalum patiatur: quoniam si venire iam modo contempseris, dignam excommunicationis a sede apostolica prolatam sustinebis omnino censuram. Data VIII. Kalendas Decembris.

EPISTOLA CCXXX.

IOANNIS PAPÆ VIII.

AD CAROLVM REGEM.

Miratur, quod cum Papiam venerit, vbi simul conuenire debebant, legatos ad se non miserit. petit illos destinet, vt se ad eum conferre possit.

Dilecto ac spiritali filio Carolo glorioso regi.

SICVT nostro præsulatui vestris iam olim regalibus direxistis apicibus, vt his Kalendis Nouembribus iam tranfactis, vobis Papiam obuiam venire deberemus: quatenus communi simul tractatu ea quæ sanctæ ecclesiæ Dei vtilia sunt, & regni stabilitati proficua, pariter considerassemus, stabilitateque perpetua firmassemus; hoc quidem auida extunc perficere mente parati existimus: sed quia vos in Italiam introisse audimus, valde mirati sumus quamobrem vestrum nobis aduentum, per excellentiæ vestræ mellifluos apices, & idoneos legatos, cognitum minime feceritis: nam paterno vos affectu diligentes, speciali dumtaxat intuitu magnitudinem vestram cernere desideramus, filiorum carissime. Nunc itaque, si omnino verum est iam Papiam venisse, volumus vt eximios ex latere vestro nobis dirigatis legatos, honorificas sedi apostolicæ literas deferentes: quibus videlicet perspectis, ad vestram præperare serenitatem, communeque colloquium indubitanter valeamus: quia cum, Deo propitio, vobiscum fuerimus coniuncti, omnia quæ ad exaltationem sanctæ sedis apostolicæ matris vestræ, & ad vestrum ac nostrum videntur pertinere honorem, Deo fauente, facile poterimus perficere. Pro quibus vobis, & in hoc saculo gloria multipliciter augeatur a Domino, & in caelesti postmodum regione merces perpetua procul dubio tribuetur. Data vt supra.